



---

Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 03-11-1-1361-7/25– JE/JH

Tuzla, 01.08.2025. godine

Na osnovu člana 70. stav (1) i (4) a u vezi sa članom 69. stav (2) tačka d) Zakona o javnim nabavkama ("Službeni glasnik BiH", broj: 39/14, 59/22 i 50/24), člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 04/16) i preporuke Komisije iz Zapisnika o pregledu i ocjeni ponuda broj: 03-11-1-1361-4/25- JE/JH od 31.07.2025. godine, donosi se

**O D L U K A**  
**o poništenju**  
**u postupku ugovaranja zdravstvene zaštite – pružanje**  
**deficitarnih usluga za 2025. godinu**  
**LOT 1 - PET CT**

**Član 1.**

Ovom odlukom poništava se postupak ugovaranja zdravstvene zaštite – pružanje deficitarnih usluga za 2025. godinu - LOT 1 - PET CT, u skladu sa članom 69. stav (2) tačka d) Zakona o javnim nabavkama, odnosno iz razloga što nijedna od primljenih ponuda nije prihvatljiva.

**Član 2.**

U skladu sa članom 70. stav (6) Zakona o javnim nabavkama, ova Odluka će biti objavljena na internet stranici Ugovornog organa istovremeno sa upućivanjem učesniku u predmetnom postupku.

**Član 3.**

Ova Odluka stupa na snagu danom donošenja.

**OBRAZLOŽENJE**

Na osnovu člana 8. stav (1) Zakona o javnim nabavkama ("Službeni glasnik BiH", broj: 39/14, 59/22 i 50/24), Odluke o utvrđivanju osnova, kriterija i mjerila za zaključivanje ugovora o pružanju zdravstvene zaštite iz obaveznog zdravstvenog osiguranja za 2025. godine („Službene novine TK“ broj: 1/25), člana 12. Statuta Zavoda zdravstvenog osiguranja Tuzlanskog kantona ("Službene novine TK" broj: 4/16) i Saglasnosti Ministarstva zdravstva TK broj: 13/1-33-12179/25 od 25.04.2025. godine, dana 10.07.2025. godine objavljen je Javni poziv za dostavu ponuda za dodjelu ugovora za pružanje deficitarnih usluga za 2025. godinu.

Predmet nabavke je podjeljen na 4 LOT-a:

1. LOT 1 - PET CT,
2. LOT 2 - Tretman kamenca u bubregu – ESWL,
3. LOT 3 - Endoskopski ultrazvučni pregled – linearni sa finoiglenom biopsijom (FNA) i
4. LOT 4 - Whole body scintigrafija - WBS.

Rok za dostavljanje ponuda isticao je dana 28.07.2025. godine u 13:00h.

U Zapisniku o pregledu i ocjeni ponuda broj: 03-11-1-1361-4/25- JE/JH od 31.07.2025. godine, je konstatovano da je za LOT 1 – PET CT pristigla jedna ponuda i to:

- ZSU Poliklinika "Vitalis" Mostar.

Ponuda ponuđača ZSU Poliklinika "Vitalis" Mostar je ocijenjena kao **neprihvatljiva** iz slijedećeg razloga:

Detaljnom evaluacijom ponude je utvrđeno da je Ponuđač dostavio slijedeće:

- U skladu sa tačkom 4. predmetnog Javnog poziva ponuđači su bili u obavezi dostaviti dokaz da je pokrenut/završen postupak akreditacije/certifikacije u skladu sa važećim propisima. Ponuđač je dostavio Ugovor o uslovima vanjskog pregleda i akreditaciji specijalističke zdravstvene ustanove Poliklinika „Vitalis“ broj: 01-373/22 od 11.10.2022. godine. Odredbe o izvršenju ovog Ugovora i realizacija vanjske ocjene važe do isteka roka od šest (6) mjeseci ili kraće ako se proces vanjske ocjene u svrhu akreditacije provede prije navedenog roka, a ostale obaveze iz dodijeljenje akreditacije traju tri (3) godine, u skladu sa Rješenjem o akreditaciji koje Poliklinika dobija nakon obavljene vanjske ocjene. U skladu sa navedenim odredbama Ugovora, nije dostavljen dokaz da je realiziran vanjski pregled u svrhu akreditacije Poliklinike, a samim time i sticanje akreditacijskog statusa Poliklinike. Ponuđač je dostavio dokaz da je proces akreditacije pokrenut, ali se konstatuje da nisu vođene aktivnosti od 2022. godine u cilju okončanja procesa.

Postupak se okončava u skladu sa članom 69. stav (2) tačka d) Zakona o javnim nabavkama ("Službeni glasnik BiH", broj: 39/14, 59/22 i 50/24).

Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Uzimajući u obzir sve naprijed navedeno, odlučeno je kao u dispozitivu ove Odluke.

#### **POUKA O PRAVNOM LIJEKU:**

Protiv ove Odluke može se izjaviti Žalba Uredu za razmatranje žalbi putem ovog Ugovornog organa najkasnije u roku od 10 dana od dana prijema.

#### **Dostavljeno:**

1. Ponuđačima (e-mail)
2. a/a



**DIREKTOR**

**Doc.dr.sc. Denis Husić, dipl. pravnik**